


Generalne informacije o takmičenju



Poštovani učesnici sportskih susreta.

Dobrodošli i želimo vam uspješno takmičenje u prijateljskom i sportskom duhu.

Raspored takmičenja ćemo vam dostaviti čim sve ekipe potvrde sastave i sportove u kojima planiraju učestvovati.


Sve sportske aktivnosti će biti ispraćene od strane licenciranih sudaca. Pravila i propozicije takmičenja u pojedinačnim sportovima možete pronaći na narednim stranicama.

Sva pitanja oko sportskih aktivnosti možete uputiti kolegama iz organizacijskog tima Ivanu Soldi i Stefanu Slijepčeviću putem zvanične e-mail adrese susreta susreti2025@cbbh.ba ili putem telefona 066 829 039 i 063 440 096.

Pravila i propozicije

Mali nogomet


- Igra se po sistemu „svako sa svakim“. Pobjeda vrijedi tri osvojena boda, dok se za neriješen rezultat dobija jedan bod. Nakon odigranih svih utakmica, vrši se konačan plasman prema broju ostvarenih bodova. U slučaju da dvije ili više ekipa imaju isti broj bodova, redoslijed se određuje na osnovu međusobnog susreta, gol-razlike i broja postignutih golova.
- Ekipu čini najmanje šest igrača i dvije zamjene. Igrački sastav na terenu broji šest igrača, od kojih je jedan golman. Ekipa može igrati i sa najmanje četiri igrača (tri plus golman).
- Zamjena se može izvršiti u bilo kom trenutku, a igrač koji je zamijenjen može se ponovo vratiti u igru.
- Zamjena je regularna samo ako igrač ulazi na teren tek nakon što je igrač kojeg mijenja napustio teren.
- Izvođenje auta se vrši sa linije dodavanja kao indirektan udarac. Korner se izvodi iz odgovarajućeg ugla predviđenog za izvođenje.



Pravila i propozicije

Mali nogomet


- Golman smije igrati rukom samo unutar svog kaznenog prostora. Igranje rukom van kaznenog prostora sankcioniše se direktnim slobodnim udarcem. Saigrač može dodavati loptu svom golmanu bez vremenskog ograničenja.
- Penal se izvodi sa udaljenosti od sedam metara.
- Utakmica se igra na rukometnom terenu i traje dva poluvremena po 15 minuta, sa pauzom od pet minuta.
- Ekipe igraju u sportskoj opremi i patikama. Kopačke nisu dozvoljene.
- Ako dvije ili više ekipa završe sa istim brojem bodova u grupi, prvo se gleda gol-razlika. Ako je i gol-razlika ista, odlučuje međusobni rezultat. U slučaju izjednačenja u nokaut fazi, pobjednik se odlučuje izvođenjem tri penala. Penal mogu izvoditi samo igrači koji su završili utakmicu.
- Svaka ekipa ima pravo na jedan tajm-aut u svakom poluvremenu.



Generalne informacije o takmičenju

Košarka


- Igra se po sistemu „svako sa svakim“. Nakon odigranih svih utakmica, vrši se konačan plasman prema broju ostvarenih pobjeda. Prvo, drugo i treće mjesto osvajaju tri ekipe koje ostvare najveći broj pobjeda. U slučaju da dvije ili više ekipa imaju isti broj pobjeda, redoslijed se određuje na osnovu međusobnog susreta i koš-razlike.
- Ekipa se sastoji najmanje od pet igrača i dvije zamjene.
- Utakmice se igraju u dva poluvremena po 15 minuta, sa tekućim vremenom. Vrijeme se zaustavlja samo u posljednjih pet minuta drugog poluvremena.
- Svaka ekipa ima pravo na jedan tajm-aut od jedan minut u svakom poluvremenu.
- Zamjene se mogu vršiti samo prilikom prekida igre. Igrač koji ulazi mora prethodno obavijestiti sudiju prije nego što uđe na teren.
- Svaku utakmicu sudi dvojica sudija.
- Pravilo bonusa važi nakon četvrtog timskog prekršaja – svaki naredni timski prekršaj povlači slobodna bacanja za protivnika.
- Nesportski prekršaj dosuđuje se za svaki grubo foul, dok se tehnička greška dosuđuje za prigovor sudiji.
- Igrač koji napravi pet ličnih grešaka mora odmah napustiti igru i više ne može da se vrati.



Pravila i propozicije

Odbojka (muška i ženska)


- Igra se po sistemu „svako sa svakim“. Nakon odigranih svih utakmica, vrši se konačan plasman prema broju ostvarenih pobjeda. Prvo, drugo i treće mjesto osvajaju tri ekipe koje ostvare najveći broj pobjeda. U slučaju da dvije ili više ekipa imaju isti broj pobjeda, redoslijed se određuje na osnovu međusobnog susreta i broja osvojenih setova-poena.
- Ekipe se sastoji od najmanje šest igrača i dvije zamjene.
- Utakmice se igraju na dva dobijena seta, do 25 poena. Ako se igra treći set, poeni se broje kao u petom setu po međunarodnim pravilima odbojke.
- Svaka ekipa ima pravo na dva tajm-outa od po 30 sekundi u svakom setu, kao i na 10 minuta zagrijavanja prije početka utakmice.
- Tokom jednog seta dozvoljene su četiri zamjene.
- Utakmicu može suditi samo jedan sudija.



Pravila i propozicije

Stoni tenis

- Turnir se igra ekipno, po sistemu „svako sa svakim“.
- Ekipu čine tri igrača i jedna zamjena. Mečevi se igraju na tri dobijena seta od jedanaest poena.
- Sastav ekipe može se mijenjati nakon svake odigrane runde.
- Pobjednik je ekipa koja prva ostvari tri pobjede.
- Maksimalno je moguće odigrati pet mečeva, i to četiri singla i jedan parovi



Pravila i propozicije

Kuglanje


- Igra se po sistemu „svako sa svakim“.
- Svaki takmičar ima pravo na 20 bacanja – 10 u pune i 10 na čišćenje.
- Ukupan rezultat takmičara je zbir srušenih čunjeva iz oba dijela igre.
- U slučaju istog broja poena kod više takmičara, prednost ima takmičar sa većim brojem obaranja u čišćenju. Ako je i to izjednačeno, gleda se veći broj maksimalnih hitaca (devetki).
- Takmičar mora izvesti svaki hitac u roku od 30 sekundi i ne smije remetiti druge učesnike tokom igre.



Pravila i propozicije

VIP tenis

- Turnir se igra po sistemu „svako sa svakim“. Nakon odigranih svih mečeva, plasman se određuje prema broju ostvarenih pobjeda. U slučaju da dva ili više takmičara imaju isti broj pobjeda, redoslijed se određuje prema međusobnom duelu i razlici u osvojenim gemovima.
- Jedan meč se igra na jedan dobijeni set. Set se igra do šest gemova. Kod rezultata 6:6, igra se tie-break do sedam poena.
- Servis se izvodi po pravilima tenisa, s dvije šanse za servis. Igrači mijenjaju strane nakon svakog neparnog broja gemova.
- Igrači nastupaju u sportskoj opremi i koriste sopstvene reket. Organizator obezbjeđuje loptice.
- Mečevi se igraju bez sudije, u duhu fer-pleja. U slučaju spora, odluku donosi supervizor takmičenja.



Pravila i propozicije

- Turnir se igra po sistemu „svako sa svakim“. Plasman se određuje prema broju ostvarenih pobjeda. U slučaju istog broja pobjeda, odlučuje međusobni susret i razlika u osvojenim gemovima.
- Mečevi se igraju u dublovima (dva na dva), koji ostaju isti kroz cijeli turnir.
- Svaki meč se igra na jedan set do šest gemova. Kod rezultata 6:6, igra se tie-break do sedam poena.
- Kod „40:40“, primjenjuje se zlatni poen – tim koji ga osvoji, dobija i gem.
- Igra se po pravilima padela – dozvoljeno je igranje lopte nakon odbijanja od stakla, a servis se izvodi odozdo, sa otpozadi servisne linije.
- Dozvoljen je jedan odskok lopte u terenu prije udarca.
- Mečevi se igraju bez sudije, u „fair-play“ duhu. U slučaju spora, o odluci odlučuje supervizor takmičenja.

Padel



Kontakt:

Tel:

+387 33 278 335

+387 33 278 219

email: susreti2025@cbbh.ba



Sportski susreti

Međugorje, 22. - 25. 5. 2025. godine



Centralna banka
BOSNE I HERCEGOVINE

Централна банка
БОСНЕ И ХЕРЦЕГОВИНЕ





Sportski susreti

Međugorje, 22. - 25. 5. 2025. godine



Centralna banka
BOSNE I HERCEGOVINE

Централна банка
БОСНЕ И ХЕРЦЕГОВИНЕ

